

Frederikshåb Betoncentral: "Ataatsimoortariaqarpugut, taamaanngippat ipisinneqassaagut"

Ukiuni 60-inngulersuni Betoncentral Paamiut Sullissisuni ilaasortaavoq. Tamassumani tunngaviulluinnarpoq: Namminersorlutik Oqartussanut pisorta qarfinnullu allanut, ulluni assoralisimaarfiusinnaasuni nukittunerujumalluni inissisimanissaq qulakkeerniarlugu, taama oqariartuuteqarpoq pisorta q piginnittorlu, Martin Sandy Shalmi.

Rasmus Barud Thomsen-imit allataq

"Ataatsimoortariaqarpugut, taamaanngippat ipisinneqassaagut"

Tassa taamak Martin Sandy Shalmy-p namminersorlutik suliffeqarfiutillit Kalaallit Nunaanni ulluinnarni inissisimanerat oqariartuutigaa. Suliffeqarfittut ataatsitut Namminersornerullutik Oqartussanut nunatsinnilu kommuninut illersortissaqanngitsutut inissisimaleratartoqarsinnaasarpoq, taamaattumik ataatsimoorfeqarnissaq pigaaruteqartorujussuullunilu aaliangiisuulluarterpoq, tamanna pingaaruteqarpoq sinaakkutassat aammalu sulisoqarnermut tunngassutillit assigiinngitsut, tunngavimmik pitsaasumik aallaaveqarluni isumaqatiginniniussutigineqassappata.

Tassa tamanna tunngavigippiaralugu Frederikshåb Betoncentral 1960-ikkunnili Sulisitsisunut ilaasortaasimavoq.

Ilaasortaanermi nukittunerusumik inissisimanerunissap pingaarutaa qanimut suliffeqarfiup eqqartorneqartup misiginikuua. Ukiualuit qaangiupput Martin Sandy Shalmi akileraartarnermut pisorta qarfinmiit kr. 900.000-inik akileeqqusummik nassinneqarmat. Akileeqqusinermullu tunngavigitinneqarpoq, akitsuutinik amigartumik akiliisarsimanerarneqarneq.

"Akiligassaq uannut nassiuppaat, tassanilu ersarilluinnartumik suliffeqarfiit pisortanit pigineqartut aammalu suliffeqarfiit namminersortut immikkut atugassaqartinneqarput, tassanilu aamma erseput inatsisit maleruagassallu ilisimaarinagit iliuuseqarsimasut. Uangali namminersuutiginagu taamatullu nukinnik atuiffiginagu Sulisitsisunut suliakkiissutigaa, sukkasuumillu suliasaq tamanna matulertorneqarpoq. Tamannalu sullerissuuneranik takussutissaavoq" – Martin Sandy Shalmi oqarpoq.

Martin Sandy Shalmi-p oqarneratut, ilaasortaaneq inatsisitigut ikiorneqarnerinnarmiingilaq – kisiannili aamma pissaaneqarnerup avinneqarnera inissisimaneralu tassani taaneqanngitsoorsinnaanngillat.

"Tamatigut oqartussat qanoq oqaaseqarnera soqutineq ajorpaat, inatsisillu tunngaviusut malinngikkaluarlugit nammineq isumartik atorlugu aaliangiisinnaasarlutik. Kisiannili taakkununga illuatungerisaq nukittoq,

soorlu Sulisitsisut, ataqqisarpaat tusaaniartarlugillu”, Martin Sandy Shalmi taamak oqarpoq.

Ataatsimoortariaqarpugut

Nukiit ataatsimoorussat isumaqatiginninniarnermi nukittuffiliisartut ilaasortaanissamut tunngaviullutillu qitiulluinnartuupput.

Nangillunilu oqarpoq: ”Namminersorluni suliffeqarfiutilittut nukiit pigisagut ataatsimut katersortariaqarpagut. Taamaasilluta suliffeqarfinni avatangiisinik pitsaannerusunik atugaqarnissamut qulakkeerinninnissamut isumaqatiginninniarnerni sakkugilluarsinnaagatigit”

Tassanissaaq nangilluni pisortanit suliariumannittussarsiortarnermi sinaakkutassiarineqartartut tikkuarpai.

”Assersuutigalugu uatsinnit pingaarnerpaatinneqarpoq kalaallit suliffeqarfiutaasa atorneqarnissaannik piumasaqaateqartarnissaq. Kalaallinik sulisoqarnissaq ukkatarivallaanngikkaluarlugu.

Kalaallimmi suliffeqarfiutaasa kalallit sulisut pigereertarmatigit, taamatullu aamma kalaallit kulturiat taakkunaneereertarluni. Soorlu assartuisarnermi attaveqaasersuinermi suugaluani luunniit suliakkiissutaasuni annertuuni, suliffeqarfinnik Kalaallit Nunaanneersuni atuinermi, nunatsinni piukkunnarsaanermik pilersitsissaagut aammalu taamaasilluta nunaqavissuni sulisoqarsinnaanissaq qulakkiissavarput”

Ataatsimut isigalugu taamaasilluni Martin Sandy Shalmi-p Sulisitsisut Kalaallit Nunanni inuussutissarsiuteqarnerup soqutigissaannut siuuttuulluinnartutut isigai – kattuffiup suliffeqarfiit soqutigisai tunngavigilluinnarlugit ataatsimoorussamik isumaqatiginninniarnerni ilaasortat sinnerlugit oqariartuuteqartartoq.

Suliffeqarfik tamatigoortoq

Frederikshåb Betoncentralimi namminersorluni inuussutissarsiuteqarnerup unamminartorpassui qanimut misigisaqarfigillualersimavagut. Suliffeqarfik Paamiuni 1963-imi pilersinneqarsimavoq, ukiullu ingerlanerini suliassat assigiinngitsorpassuit ingerlassimalereerlugit.

Aqqata; Betoncentral, ersersippaa suliarineqakkajuttut – qaartiterisarnerit, ikummatissamik assartuisarnerit, ujaqqerivik aammalu pilersuilluni assartuisarnerit assigiinngitsut, ullumikkut sussassaqarfiit assigiinngitsut ingerlassimalerpagut aammalu sanaartornerup iluani tamatigoortuulluta. Maannalu inuit 35-it missarpiat sulisoralugit aammalumi qisuerniarfiutigisumik atortussaarniarfiuteqarluta.

Taamatullumi aamma Sulisitsisuni ilaasortaasimaneq eqqarsaatigalugu, nunatsinni suliffeqarfinni ilaasortaasarsimasuni ukiuni amerlanerpaani ilaasortaasimasutut inissisimalluta.

Martin Sandy Shalmi-p oqariartuutaani una ersarilluinnarpoq; Suliffeqarfittut kisimiitilluta sanngiinnerusutut inissisimassagut – kisiannili ataatsimoorfeqartutut inissikkutta, nukittunertut patajaalluinnartullu inissimassaagut.

”Taamaattumik oqariartuutiga paatsuugassaannqilaq: Ilaasortaasimanngikkuit – maanna ilaasortanngorit”

Facebook-imi allaqqasussaq:

“Ataatsimoortariaqarpugut – taamaanngippat ipisinneqassaagut”

Paamiuni Frederikshåb Betoncentral akileraartarnermi pisortaqarfimmiit kr. 900.000,-inik akiligassaqaleriataarami, oqartussanut kisimi akiuuttussatut inissisimava? Imaluunniit?

Atuaruk, ukiorpanngortuni suliffeqarfiusimasup, Sulisitsisut aqqutigalugit ataatsimoorfeqarnerup qanoq isumaqartigineranik oqariartuutaa”

Allaaserisamut Link-i uaniissaaq: XX